

天池山人小稿五種

太山藁

吳郡陸采著

發舟書懷寄義興陳文學兄弟

嬰組非阮徒畢婚豈尚類曰余值休明薄遊聊
娛歲幸弛負薪苦且免秉鋤耒寒拙旣時違昏
痲亦神悖鬱鬱墟里悲遙遙海岳對遂發澄湖
湄慷慨辭朋輩解纜雪濤阻肅舫春焱背凌寒
氣自雄越險志靡悔蓋弭雙河陰策搖孤洞內
摩霄有遐慕俯塵無近愛川停握金膏谷賞紉

蘭珮眞理儻垂招乘鸞謝人代

觀太湖

觀山已輿升過湖亦舟泊造化諒我縱茲遊分
非薄慨想盤皇代神功復誰鑿蕩日赤錦披韻
風玉笙作四海青茫茫五山紛漠漠滅沒萬峰
巔搖蕩千郭郭虹橋控天樞水脉聯地絡余來
值澄霽灑酒素情廓吟爲川后招氣與波龍薄
塵空思綸竿陰寒想狐貉偉哉鷗夷游壯矣金
庭樂會窮柳毅宮一燕靈妃藥

贈毘陵王子二首

塵界長懷子，晉笙翛然如見羽。
儀清幽花細草，年華轉結霧。
疑冰世態輕，每憶京華酣綠酒。
即愁江海泛浮萍，十年潦倒慙冠劍。
欲裂書囊寫道經。

江上春晴雪水迴，片帆吟月下吳臺。
暫遊喜劇彈碁會，欲別其如畫角哀。
古洞叢蘭情冉冉，碧天高嶽勢嵬嵬。
明時誰識王公子，獨抱淵殊卧草萊。

昆陵阻舟

驕陽乾厚上飛楫滯春濠愁似添潘髮囊應欠
呂刀翻疑河伯妬轉見僕夫勞且過同心客忘
情一醉豪

阻雨寶應作

頗怪澄湖雨隨風滴筍蓬送愁迷楚望驚夢失
吳中一劒囊空在孤燈漁自紅紛紛春鴈北無
路覓書筒

下邳書所見

細雨朱門冷垂楊古岸陰如何金谷士不解伏
機深富室周生爲問俗吳農拙悲蘭楚老心乾
坤轉多事搔首發微吟

往歲清河深迅不易犯茲也咫尺可涉
父老云百年未見斯異

浩蕩清淮水涓涓印月流淺應潛介徙明覩錦
鱗游市遠疲深汲灘危畏觸舟馮夷爾何許好
爲國租謀

呂梁洪二首

步許隨舟遠看流坐石孤灘喧浣紗女濤逆掠
魚鳧撫蹟懷神鑿呼盧憶壯圖從人問邊信浪
說轉模糊

脉脉穿堤澗林林隔屋山湍高騰石檻舟緩拆
沙灣名利紅塵遠衣琴白日閒險巖余已涉抵
益鬢絲斑

寧陽道中

今日寧陽道春晴惱客神軟沙黃拂面密棗紺
連堙迫夜頻催轡愁程數問人新泉一回首無

暇滌綸巾

渾河

歷下群流合沙邊一脈寒塵勞余正渴對此客
襟寬雙濕王睢羽有王睢宿沙上可愛深沾衛蹇鞍奔流
休滯石早濟漕渠乾

八澗

澗澗流清泚山山擁翠屏應爲禮樂地偏占乾
坤靈日仄煙生紫沙崩棗挂青揚鞭起棲鴿雙
逝遠泠泠

望太山

煙暝依稀見天高突兀開青連齊魯合雄抱海
雲來一豁狂夫目如湔野褐埃明朝禮玄境不
惜路崔嵬

蒿里山

朱廟依巖啓丹幢插磴飄誰哉名利客過此黯
魂消早悟無生理應聽薤露謠賢愚隨鬼伯余
欲禮王喬

登太山

弱齡寡塵好中歲戀名岳眷言理征驟霄漢果
諧諾側聞天帝孫雄峙齊魯郭嵒亭七十峯元
氣互吞薄泥檢祕靈符鼎劑封金藥宮從軒后
開碑自秦皇鑿星河接眉宇暄涼異塵壑聿來
及芳時瑤草相照灼女貞艷脩枚螢芝粲鮮萼
交梨旣滌煩石髓亦祛濁杳杳雲璈度一一鸞
歌作忘情綬冕輕恬懷世途惡高登豈云疲暫
息匪爲樂願從玉妃後灑掃老煙爨

秦觀峰

伊昔秦漢初雄都控關要茲峯一以登揚眉發
西笑余本澹蕩人久劔名利調道以潛冥超心
爲玄虛照豈慕文終榮寧同應侯誚慮淡無物
嬰身輕有神約策因芝英披目爲煙巒眺待余
畢五岳卜築枕茲嶠矢詩諒不多聊代蘇門嘯

玉女池嶺頭小坐

翠擁丹披進一觴片雲輕拂短霓裳晴分近甸
千盤路日動遙峯五色光塵界蟻爭真擾擾天
門虎踞自蒼蒼欲持玉女仙潭水一洗江湖萬

慮腸

阻雨

嶽降通宵雨人懷故國愁
龍盤千磴滑玉響萬
泉流散霧迷金閣飛雲
集翠表休嗟眸際暗吾
得混天遊

黃山道中二絕

昨雨仙宮阻去程錦鞍今
踏翠巖行東風不遣
纖塵起應是雲師爲掃清

泰山北來山轉攢
瑤空削出萬晴巒
輕雲不礙

樵夫路殘雪猶供病衲餐

贈靈巖僧悟聰

住占諸山勝名標一刹雄臘高禪觀習心靜海
天空愛客揮春傘添香續夜劫回輿戀別鶴依
約洞雲江

五花殿

花殿開金地僧傳自魏庭往時窮物力此日尚
丹青巧自諸天授規傳異域形如何洛陽刹銷
滅鬼燈燹

漢栢

獨栢當庭古蒼蒼壽幾千高枝擎日月勁節飽
霜煙鶴駐留天語雲棲伴雪禪精英夜深聚往
往聽談玄

遊仙三首

明車拂天罡白日駐軒蓋招搖舞青霞芝髓滌
玄薤仙者四五人黃眉笑相避玉虬偃靈風瑤
鞭靜垂帶謂余來何遲羞以盤龍膾雙雙紫鴛
鴦游戲蓬池內靜婉歌未窮雨師肅歸轡望望

紅羽旂追之了無際

天風開素雲見耀白玉樓琅琅鳴紫珎諸貞集
遨遊清壇靜不譁扶光滿珍裊裊雙成隊垂
垂紺髮頭雲回奏法響拍手笑且謳垢氛良未
盡可斲不可留金霞十萬重隔絕在炎洲歸來
了無言洎洎海東流

瑤枝粲深雪霏霏落香片何許翠羽雙來來自
天畔口銜王公札麀膠秘文篆告余玉期近珠
函籍非賤誤落青海壖天房冷芝薦朗然豁高

懷始悟浮生幻扣頭報璇宮日夕鸞車盼珍重
雲松心豈逐塵檀變擾擾世途子誰哉鹿蕉

太山藁終

義興藁

吳郡陸采著

宿義興杭氏山亭二首

天淨春林雪舟披暝壑雲岳遊慙尚子榻解得
陳君綺燭亭明翠高談篆燼芬十年麋鹿志曾
否離人羣

愛女高齋月宵分下嶂陰如憐彈鋏客更發擁
鑪唵木古開仙院蔬香清道心撫衾嵐氣濕知
卧萬山深

與陳子道成話舊

七年不見元方面
芝朮長新鶴轉清
白雪自高千古調
玉書猶欠隻鸞迎
雪開苑樹枝枝翠
雲近晴窻片片明
海泛岳遊同結伴
好聯雲駕向蓬瀛

登黎墨山四絕

千古桃源路自真
若爲仙駕阻花津
海風忽送雙鳧遠
一踏煙空萬壑春

聞說仙翁跡未刊
石林文篆鎖高寒
谿邊向人

騰蒼杞天上虹流護赤丹

寒梅未盡茗未芽萬樹殘雪映明霞飄颻一客
青蘿帔盡入山圖未是誇

太湖渺渺接眉端白日蕩蕩開瑤壇呼觴更上
高峯坐百里吳門翠一九

善卷洞

舍舟遵曲塗披柏入長壑紺殿肇有唐蒼碑混
元宋敞崖疊石竒陰壑積雪重洞盤既深深泉
流亦錯綜良由至人隱坤維發神用芝田恒澄

溢丹鑪久緘封芳春氣彌溫濛密洩雲霧狂探
熄燃燎醉跳驚賓從捫崖丹碧垂聆淙鶴笙共
高揖讓皇人遐想靈仙供徃侶不可招聊爲茲
遊頌

張公洞

吳湖困埃氛久欽張洞竒弭掉升雲頂果諧夙
昔思瑤牒信炳煥丹籙良在茲矯矯羽人近彷彿
吹參差玉乳旣滴瀝金芝復葳蕤石壑膚可
明泉甘體應肥青蘿互掩絡白蝠雙倒垂翩翩

翠羽明灼灼丹葩姿合沓萬狀巧高下千盤危
運目朗情豁息心了忘疲金庭隘未窮華陽卑
靡追豈若茲遊麗宴笑畢芳時菟裘良可卜聊
與山靈期

再賦二首

日自藤邊落人從天竅來磴能容片席泉更滴
深杯逼仄身隨炬攀援指染苔行行欲忘返冥
討海門回

妙匪杼詞贊奇須引客夸樹生無土石巖挂有

名花驟駕歸何早丹經秘未遐仙凡摠蔓草且
吸手中霞

壽銅峯主人十韻

幽居壯碧甍翼翼帶銅陵澗自朱窓瀉雲從綺
閣興主人逃赤紱石室掩長藤瑶草田長秀靈
砂火自蒸心將仁惠物道以退爲能問竹洲停
棹看花杖引僧仙挑風裊裊壽酒歲仍仍業自
傳經遠鄉同種德稱階前茂珠樹終作紫霄騰

贈陳子思忠

冶遊踏峯頂長揖峯下人冰容穆清風藹意良
可親陳生山澤癯雅懷慕仙真洗耳玉澗泉行
歌古洞春逍遙弄青霞養壽藏其珍我亦志五
嶽聊此停孤雲握手不盡意去去平湖濱飛花
三月暮爲憶采芝賓

小峯陳子牡丹館夜集

雨淨丹花麗宵清法曲聞泠泠瀉寒澗靄靄度
春雲銀縷浮魚細金芽散茗芬爾誇陽羨好風
月得余分

不惜金卮溢能聽砌雨殘花深紫絲幙髮不鹿
皮冠按拍珠珠綴鳴箏鴈鴈寒誰招思訓筆染
作絳圖看

再集二首

鳳蠟舒紅粟金尊引綠霞星光晴炫目香氣細
沾花舞脆箏流雪吟高月掩華遊蜂隨處好明
得駐遊車

白日湖中賞紫綃窓下歌春紅牡丹甲風綠質
管柯金鑰開圖籍華燈蕩綺羅蘭橈且遲發更

踏洞雲過

西園十韻上雙溪杭先生

綠野開瑤圃平臺枕碧潯卷懷霜府客息駕紫
巖陰石作蓬壺秀魚將海月沉雜花明碎玉好
鳥韻清琴軒冕輕無累圖書靜發啞經綸情暫
斂芝鶴笑相尋且醉新泉酒休聽出塞音蒼生
望霖雨吾意羨雲林亭許隣翁坐杯容野客斟
不妨花月宴歌吹寫幽襟

贈杭州翁生

吳越天開水木清萬松看入碧雲明幽人對酒
一長嘯游女採花三月晴茶竈筆牀元自得藥
囊詩草闔相迎西湖堤柳春爛熳肯繫扁舟聽
早鶯

鴛鴦篇爲蹇母陳氏作

灼灼青芙蓉宛宛雙鴛鴦芙蓉頭本並鴛鴦翼
自雙一朝阻風波孤雄羽毛傷貞雌不遐棄之
死相隨翔矯矯名家女少小聘蹇郎中道嬰疾
膏戚里亦分張聞言捥涕泗義烈激衷腸妾本

女蘿絲附此松栢長松枝忽摧折蘿心豈終忘
忍以纏綿態倏逐春風狂結縈事君子舉按歡
高堂玄髮失所天皎質明秋霜逍遙八十秋兒
女粲成行余本感慨徒聽此眉宇揚三復日出
詞載吟栢舟章萬古陽羨月耿耿縣穹蒼頽波
挽西流永垂琬琰芳

蹇八牡丹一花令予嘲之

潤沾春雨一枝寒瑩出仙人頰玉丹倚席橫尊
太天治底須洛下萬花看

牡丹過雨

一天飛雨浥嬌花
賸惜春情半委沙
應是文姬斷腸拍淋漓
紅淚滴胡笳

贈王生

崔嵬銅陵竒天矯
金鵝秀巖垂太古松
穴瀉高天溜王子
有遐情雲壑在懷袖
吟能招鶴來酒欲呼仙就
石髮香可殖芝髓
寒入漱我來屆芳月
藤老蒼龍走巘花
挂珠錯林鳥落文繡
展卷評古昔呼廬洽朋舊
去去霖霖微回眸亂峯畫

折桂圖

遙山遍明滅風帆若飛雪貪看青桂華直上廣
寒闕

酒邊作

玉樓春酒花撲香踏雨聚醉王孫觴寒簾恰對
西山雨款款飛雲接画梁

廣濟庵

湖日披砂錦林花點地金直看明月夜不盡賞
春心歡向客中慙愁還鬢裏侵孤帆蕩歸路指

點洞庭陰

迹爲故人駐遊同好事來鹿馴迎酒榼僧愛掃
花臺湖近窓搖雪歌輕風落梅傳枝休滯掌鼓
吏暗相催

坐中僧以琴至

正愛林下酌忽來空門琴如聞梵天樂一洗塵
界心野客淹日暮湖龍聽宵深知音倘余許與
康弄清吟

飲福緣寺樓

寺枕瑞雲仙秀樓開慈竹齊泉添春茗潔筍膾
玉絲肥清梵三天落銖衣五采飛焚香支卓午
頓醒道心迷

平生山水癖茲賞復冷然僧摘櫻桃出鷹穿芍
藥眠人天隔下界琴竹發清緣更酌山泉釀狂
探醉裏禪

任母吳氏哀詞

早擅姬姜譽親陶詩禮方金貂八座齋琴瑟半
途傷琪樹丰茸發斑袍爛熳芳分丸心自苦留

悵教彌良花暗清溪渚鳳飛碧篠名地堂年年杜
鵲月紅淚滿蓉裳

少岱谷子觴余吳氏園用杜韻二首

仙吏栽花遍諸生問字遙高筵沾桂醕名苑帶
朱橋談作明珠濺歌流紫鳳嬌勝遊歡旣醉海
月已青霄

稷下才名舊吳湖仰止遙天開今夕會梯月步
虹橋麗藻尊前接殘英燭下嬌東山情自切應
復奮雲霄

再用杜韻賦七言一首

繞郭群峯似我迎，草堂深酌燭花明。
即看吟筆搖天趣，已覺陽和滿衣城。
坐竹自貪山茗滑，采真今喜世情輕。
青田未許羈孤鶴，結束還爲閩海行。

余有武夷之典故云

花下僧偶至

正對芍藥吟僧來，伴幽獨却疑諸天花散作階頭。
玉繁華逝水沈空門，千古心惆悵風花暮一尊相對掛。

義
疏
終

壬辰藁

感事六首

東城有佳人艷色動隣里家貧寡脂澤不爲蕩
子喜終年守荆扉空復憐稚齒煌煌青樓倡妍
華詎容比珠綺盛妖惑車馬日如市世事誰不
然美玉淪泥滓所以抱石翁含懷自沈水

春風動高林柔荑夜忽落客心感盛年涕下流
丹矐我心良悠悠世士恣訾謔抱玉指明庭乃
自刖其足傷哉夷吾子三戰而三北不有鮑子

知鄙行委泥壑丈夫未升達誰辨龍與蠖

昨夕明月滿祥光耿中天朗如我心曲虛圓本
自然纖雲一以興皓魄掩澄鮮毀誓日相尋美
行何由全孔顏賢聖交掇塵起疑僞猥被下流
子情契誠難堅坦懷保真素持此對旻天

有客上我堂爲我論今昔感歎物態改不辨甲
與乙西隣徒禴祭窮年守蘿葦不如東隣叟殺
牛豐貨殖豈不念聖訓世路多險棘茫茫宇宙
間斯理諒難測三諷范滂詞守道俟其畢

青天流素練，浮焱動丹林。泉壑多哀音，時鳥日夜吟。棲遲守木榻，白髮逝已侵。庭花不特發，恐負懷春心。抱質老墳典，况乃霜雪尋。起舞鼓瑤瑟，鏗轟韻球琳。欲持獻明主，天路險且沈。回裾阻長轍，太息委中林。

撫節動幽感，臨淵悲素流。登高豁予衷，駑馬不可輒。撫劍眺八荒，萬木何颼颼。溪湄穴下社，妖鳥啼高楸。得志徒自驕，天心諒難投。失馬塞上翁，孰知喜與憂。懷哉天際鴻，弋人徒爾求。

燈夕辱諸友見過二首

野屋開新歲芳燈動首春晴來車馬客光艷綺
羅人障錦浮霞彩窓紗隱咲親休嗔火樹落桃
李漸呈真

中夜添尊賞華時得侶遊笙回火初炙歌罷月
西流鳳蠟香薰幕瑤花碎眩眸何妨催玉漏明
發更淹留

春遊虎丘

闐闐東風楊柳柔萬家弦吹水西樓蘭橈夜逐

桃花浪明月歌殘下武丘

虎丘訪客

青林澹孤月扁舟漾迴溪言同二三子携榼躋
雲梯心契冷泉清迹與危峯齊調吟紫霞外歌
賞蒼崖西宵深宿鳥驚坐久晨猿啼遂寐空王
閣因之養天倪聞磬失佳夢睎陽訝程稽餘杯
滯深酌繁枝艷柔萸白日不可留薄暮戀幽棲
拂衣九曲岩命駕五畝畦回瞻同懷客高館臨
遙堦探山有深盟廬岩得賢儕終焉卜菟裘永

謝塵紛迷

謝黃子勉之佳篇

和焱霽春期放舟弄寒碧欣逢黃叔度忝接紫
霞客玄談灑霏英逸貌潤良璧心疑重塵披目
恍流翳失與子闔堵間邈若千里隔引領濠水
清跂足吳雲白嘉會無物嬰靈交有神錫示我
玉函書光華照珍席章慙王烈昧字匪子雲識
朗月爽虛襟旨味醒迷鬲願言置掌端馨香日
披拂我抱三山心子有五嶽適雲中青童車天

外麻姑宅拂袖歸去來含情別鄉邑

雨中宴沙氏草堂

水碧山容淨林芳花色妍風消紈扇力雨滯玉
人筵滄海狂吟迹浮雲感慨年邊烽聞轉劇莫
惜酒杯傳

與兄子晦張習之南苑醉中作

野坐邀朋集飛觴待雨來花臨高燭艷歌傍好
懷開蛙得喧清沼螢能點翠苔不須河朔會涼
意滿胥臺

送荆王長史徐子漸之官

楚山萬里青吳水千古流夫子發蘭棹清光兩
悠悠片帆弄佳月澄華照巾裘把酒嘯長風搖
筆凌滄洲 昭代重賢藩朱邱盛英遊選才得
良佐橫經展鴻猷遐想樽俎間高談亦風流黃
花絢珍苑雕盤進瓊羞笙鶴日夕鳴玉露芝英
浮淮南携八公調咲烟霞儔懷賢邈難攀悵望
天南頭飛鴻諒不遠何以慰離憂

席上贈天池山人

王寵

天池山人氣宕竒擊筑同酣湖水湄紫髯灑灑
飲無算白眼茫茫知是誰門對西山霞石爛座
臨秋壑澗花垂呼鷹走馬長千里却憶狂遊白
下時

訓履吉席上見贈

海神最祕珊瑚樹忽見瓊枝墮草堂已喜文園
止消渴肯容小阮發清狂尊邀海日襟情朗掉
入雲溪劒舄香何日吹簫弄湖月扣舷扶醉蒼
滄浪

暑中辱勉之過訪雅興不盡乃有金尊
翠管之稱愧荅二詩

柴扃倚蘋渚上客駐蘭舟塵落霞天淨毫飛綵
翠流曲愁周子顧花爲狄公羞知負東山興重
期桂苑秋

沁閣芙蓉月薰卮菰米風佳人不我即清賞與
誰同襟豁青林爽吟高玉宇空好憑朱鳳舞留
醉待山公

宿北山道室

宿昔有遐慕煩情溷貞淳眷茲靈蹟地遁世懷
幽人衝泥策駑馬祇謁純陽君蕩習淨紛念諧
歡馳栢尊陶然就孤枕如與泉石隣醒坐明燈
側滌手披玄文俯仰隔海嶽何由覩師真聊以
寫我興鬱抱難具陳

寄胡初晉中

可泉公之子

心苑秋花映碧林美人天外暢幽襟已將文史
傳清教更踏雲烟結遠尋麋鹿自甘岩穴卧瑤
華真見歲寒心明光獻賦應騰早佇聽梧岡紫

鳳吟

寄馮豸史二首

抱病秋登海上山，美人縹緲五雲間。
清時已見高才展，古調遙追大曆還。
叢桂片鴻驚醉目，鳳城驄馬憶水顏。
真懷知切憂民計，好獻丹書扣九關。

京華劍珮欣初識，吳苑荒苔憶舊遊。
入谷啼鶯聊自拙，得時猛虎伺人投。
青天碧月牽情夢，山葉庭花入素秋。
想見金門卧方朔，酒盃詩草滿

淮流

贈東臯子

茅齋正倚羣峯秀坐見東臯有落花朗月自將
鳴鶴舞輕鞵時逐種苗斜黃榆閱古傳先業丹
橘基酣隔世讎得似鹿門潛父子不須重趼問
南華

讀顧五詩有贈兼招看月

垂翅同迴絳闕驂卷懷長卧百花潭憐余文戰
仍三北愛爾詞華逼二南白首論交還世講千

年逸調復誰諳晴花好月開雲榻爲聽嵇生醉
裡談

贈道士陳鶴臞

秋風弄雲海萬里來仙禽本辭浮丘伯下遨玉
山岑誤落城市間一止歲月深翛然忘世慮豈
受樊籠侵伊人覽玄易矯然澄冲襟觀物得幽
筌養素窮太陰佐卿一何愚誇形沙苑林寸矢
損貞姿空驚明主心何如守靈丘不嬰炎池祲
俯仰歷萬變飲啄無滯淫逍遙七千秋更作遼

城吟

星石詩贈隱人

大隱東方生本自歲星謫放浪在清朝嘲詠聊
寄逸若人感靈符曠世情彌得泉香發茗烟蘿
垂蔓仙壁何必圯上遊素書受黃石瑤京在天
端一往振六翮却返鹿門棲弄霞老幽寂出處
妙不羈行藏了無跡我欲扣深扃玄談發胸臆
却恐動星文流輝照鄉邑寄謝洞中人高眠水
雲碧

贈石室子

子房駭萬乘逃形華嶽畔空復十日搜龍潛竟
難見吳郎於南州山水清心面廬岩辟幽棲縑
素明彩絢巧鑿青山骨細納白雲練遊共洪崖
俱息與叔卿宴筆底紅泉翻窓前紫霞纏却訝
壺中人過誤落寰縣何時攀葛登煮石脣瓊饌
一笑九天低與爾鞭赤電

八月十五夜月

旅泊懷前歲文光爛此宵今來靈兔影還到野

人寮明掩丹砂焰涼生白玉瓢悠然岸巾情抵
掌發雲謠

弄影思彈劍依光愛展書且看天浩蕩莫問海
盈虛桂髓清涵玉橙脂膩染裾山扉休更掩相
覓有溪漁

十六夜月

極知二儀缺敢恨一分虧野曠明沙錦泉清裊
蔓絲客歡今坐滿筵比昨來遲午夜中天好山
翁醉莫歸

憐影頻移席延明獨啓窓金烏真作兩玉羽過
疑雙涼雪輕流舞香風脆度腔靈槎倘相送吾
攬素娥幢

十七夜月

今日景仍好虧輪轉自妍鴻書天字字霜入髮
年年萍破潛鱗覺枝搖宿羽偏賞心休放觥明
發坐相傳

不見團圓魄猶存隱約觀宴將歌扇鏤閨當藁
砧看天末明瑤樹江干矗紫巒憑高一悵望晴

色滿長安

十八夜月

壺觴真屢再圓望倏逾三吾更停瑤筆娥休滯
玉驂雪飛池出藕金碎樹分柑憶得蟾宮隊雲
和曲正酣

漏已流銀矢蟾方飲絳河魄當今更減光並昨
還多俊憶梁園賦嬌聞子夜歌升沉揔怡暢伏
借魯陽戈

顧子遁席歸以詩來謝答二首

漢淨流珠桂庭空鑒采毫貧依一丘卧興集五
陵豪越袖擎花小吳飲雜笑高何妨螺蓋急吾
醉濕雲袍

歡覲同心彥深宵共葯房不知芳月底還有竹
林狂觴瀉丹霞麗吟傳白雪香扁舟憐女往跋
望限河梁

寄湯醇甫

明月山扉啓宵宵待女來夢吟瓊樹曲愁對菊
花杯談愛玄風勝文欽漢格回携筇弄秋渚逸

思日悠哉

聞陳子齡病愈有懷二首

介塌瑤京翅余傷卞玉沈那堪淹枕席轉攪故
人心雨閣華燈話山興翠竹吟何時續清賞太
息五湖陰

雲暗松陵渚秋深處士村人難看一箇月自滿
千門琴澁相思曲窓虛伯雅尊休文倘回駕林
壑聽清猿

送清河令二首

江南五十邑張敞獨稱賢
秋水清涵月春風花
滿川訟庭山鳥下奇政野人傳
更美雲霄舉芳
名達御筵

道大卑江縣文高小漢才
春來桃李發應上鳳
皇臺旌節浮空遠謳歌逐棹
開荷衣瞻望切注
日在雲台

錢寄道過館中醉作一絕

濁酒開賓館晴花艷落燠
青燈一談賞逸興滿

吳雲

寄族兄子玉

卧對群峯不厭看，渚清沙密思漫漫。
東城已負連枝會，素軫空餘流水彈。
蘆筍碧穿岩石細，梅
花白照草堂寒。
哀鴻北下酸嘶急，人在巖陵百尺灘。

壽楊翁六十

心逸形神古時清，几杖舒筵開珠珮。
滿觴泛菊花餘雲笈，添仙曆青童下鹿車。
叨余弄星渚，笙鶴度虛徐。

奉寄林屋蔡先生

夫子名山隱蕭然卧紫雲文章開日表鸞鶴接
仙羣紅釀芝田澗香披玉檢芸泥塗重矯首湖
鴈慘宵聞

壽徐翁七十

盛世遺黎壽名岩隱迹深烟霞縈古宅松雪挺
喬林綠水流仁澤清風淨道襟筵開弧矢節頌
合縉紳簪南斗流祥采中天下鶴音香傳王母
駕簫奏紫鸞銜杖履龍門月雲泉石室梨花嬌

瓊觥白芝秀玉堦森氣洽靈株固神昌遐祉臨
年年對芳酒酣暢碧山陰

壽北山周尊師

塵界投簪紱虛皇益海籌龍來護丹竈鶴自舞
靈丘芝朮千齡熟風雲一橐收經傳柱史李泂
接紫陽周弄景時飛岳殮霞或凭樓道心薰碧
簡膚雪映方眸咲傲瑤林卧浮沈古洞遊要余
驂白鹿與客醉滄洲願逐蓬山隊年年一獻酬

歲除懷舊二十四韻寄雅宜子

歲杪寒霏雪憐君卧海涯水顏新發潤瑤筆轉
添華憶昨風雲會同浮日月槎情酣金谷宴神
醉玉京花文府探仙桂詞源掇彩霞明鐙清夜
舞綠酒錦堂譁句壓南朝賦談消北苑茶咲疑
烟景豁氣作白虹遐每嗽餘馨愛時沾末照誇
應劉千載洽沈謝萬篇葩並切匡朝策偏懷嫉
世邪雙懸九關念一起四民瘼豈謂明時棄俄
成失路嗟我羈芹泮履爾返菊林車獨別清溪
月空看渥水驕心旌搖落木愁霧結悲笳本擬衝

霄鶴翻爲困蟻虵蒼蠅玷珪璧坦道滿塵沙骨
肉行藏異乾坤白黑差窮思扣天老隱欲借山
家岸笠三江雨揮鋤五色瓜十洲未旌節半畝
且桑麻咫尺天如限翻飛與益賒春來問奇駕
肯許厠侯芭

癸巳藁

寄盛嚴州

已見留司騰遠譽俄聞名郡發深猷
瑤花碧草春仍到石瀨高江清共流
音札自便青鳥近塵埃余對碧山愁
何時更踏松蘿月細剔崖鐫認舊遊

訓義興杭文學

陽羨山人松鶴心好音長到草堂陰
逍遙自得琴中趣風雅遙傳洛下吟
野嘯雲樓慙洞侶塵

遊俗駕悵花禽茗芽蘭茁爭春色擬放扁舟載
酒尋

柬王子廷武

與女論交意味長每於文苑說余狂角巾自得
柴桑趣朱閣從他燕雀忙流水出村心更遠好
花當檻夢應香春來擬覓登臨伴吸盡千巖海
月光

謝衡山先生選濠翁集

閒看物態浮雲變轉見高情曉月懸娛晚圖書

真太古覓時花藥自春妍
文存琬琰交仍前
心外丹砂氣已仙
肯許侯芭從杖履
躡雲時和希
芝篇

沈明卿過訪醉別有寄兼求贈作二首
風雪江湖夜高人下綵鸞
語回嘉樹煖氣失小齋
寒醉作輕舸舞尊虛
午夜歡遙憐歸路永
相憶海嶮殘

我醉孤梅館君歸密雪天
中宵問同侶慚抱一
茫然愁坐還花月
春遊發桂船
岱宗諧宿諾
好

贈掇雲篇

與悅茶翁詩

青巖蔭佳木紅泉漱靈根華苑發春陽瓊品冠
芳園丈人厭梁肉情與冰栢敦烹傳世外術法
自謫仙論清液一入唇蕭然澹心魂伊昔商山
芝燁燁光璵璠四叟甘雅素歌聲至今暄時清
道自卷事變節彌存舉世醉糟醕而我不與焉
頓分天瓢漿一洗塵界煩吾經異陸羽至理難
具言請君屏鑪炭共談秋水源三啜采風去振

掖越崑崙

送勞鳴玉應貢北上

玉策驚天府，青年逼絳霄。
冠彈道長日，舟及雪消朝。
離宴沾花雨，鄉心劇柳橋。
休滄五雲馭，山鶴唳空寥。

送徐子全

奉檄翻飛指帝州，紫煙晴靄照樊鈞。
中興日月明蒼極，三策天人動玉旒。
最愛落花紫舞袂，遙憐走馬出長楸。
十年名嶽尋真志，欲向龍門

問綵舟

孟夏顧仁效山亭

同尋藝苑盟載酒拾花行步墅披新綠流尊引
曲清盤分過雨韭咲雜度枝鶯干竹搖晴旆群
峰湛錦城野人陪逸賞公子擷華英天外餐霞
侶山中訪道情終期釋耒耜藉草坐談經

詠周府郡主四首

周南染鴻化女德高凡流皎皎王姬節佳芬冠
中州伊昔事君子婉婉承先猷肅雍奉高堂匪

與紈綺儔所期白首歡努力追前脩中道阻風
波大命不我謀一隨往化滅餘生那足留

文鷁失其雄則愴摧心膂撫孤一長號掩鏡不
能語誓抱冰雪心從君九京裏豈不愛春花恩
義良難已因之殞微軀酸哀激涕似皎質朗高
月耿介明秋水不見汴河流嗚咽殊未止

悠悠秦女樓飄飄兩蜚鸞簫聲一以遠蔓草埋
珠鈿淑人追高蹤雙駕返蓬山人間感永逝天
上方娛顏紫皇遲來儀回賜九轉丹璇宮多道

遙永錫後昆賢方希百世祀奕葉榮芝蘭

行行過靈丘封樹垂英露借問墓者誰 九重

表貞度至今雙鴛鴦猶繞韓憑墓嗟彼重祿人

反面忘義故何如椒房姿從容就泉路 天王

重懿親絲綸朗遐布載續更生編流光照竹素

去歲中元侶同懷暢今也凄然悲激二

首

往歲延朋好歌喧滿竹廬嗒然今夕裏羽扇雜
颺颺白道心同坦青蠅壁已汚願回天鏡色一

照此懷孤

淮舟賞洽燕市馬看深不悟艱難日還思夙
昔吟桂傷終自合雲掩未爲陰千古高高色長
懸碧漢濤

十六夜與朱都二子酌月承天寺四首
月訝經年別人欣此日逢水清雲自卷夜白境
涵空地入禪林寂花留隣檻紅年年歌吹裏揮
手挹飛虹

散髮踈林翠飛籌饌石華蟲青輕點案燭隱半

消花人去空玄鶴詩成掇彩霞浮生吟裏圓
缺底須嗟

藍若延佳賞蕙有留好賓共聽聯袂曲不見折
香人僧掃苔間坐雲生頭上巾石床潭失寐清
照一吟身

絳氣浮芝宇芳風襲芟衣仙游傳鳳吹龍卧淨
雲霏片葉浮霜小九鴻貼漢微此時瞻眺遠直
欲攬支機

寄仲兄永新

我兄爲政流醇醞散作東南比舍春廬阜風清
藤蔓解楚江雲靜海鷗馴青袍綰組三年節白
簡辭天萬里身莫放光華切牛斗 明時應不
厭藏珍

懷進賢張明府二首

楚望埋雲樹登樓憶使君直詞光 聖世清馥
洒炎氛地鬱龍泉氣天低鳳鳥群折花秋色裏
冉冉下斜曛

蒼眈眈吟伏雲遙得路遊高風遍芳宇素扎斷

朱轡病想金陵酒狂呼廬岳舟枕孤天萬里歌
竟若爲訓

蘭蕊筆

矯矯棘疾手文壇擅雅推花生嶰竹秀彩奪楚
蘭姿揮策丹霄望傳經學海思論勛吾賴女應
列管城祠

白雀山房聞 赦

良月延宵步醅醕羽士家霜深九日菊鶴老五
雲槎濃澤回枯槩歡情動海涯此時天帝咲碧

殿發龍華

謝鄒甥同心遠賦

閣掩高秋雨
瑤華天外臨
愧無青玉案
一谷美人心
水淨葭草秀
天清雲樹深
如聞鄒氏律
春氣滿幽林

天池山寺十五韻

古室剝文石
清池發紫巖
蓮花開寶萼
蒼洞秘瑤籤
縹緲雲成帔
璵璠水作簾
脩藤青裊裊
新栢淨纖纖
遠挹菱湖秀
高瞻陽抱尖
晴能驅雨

降陰或借龍潛乃構龍宮麗全祛幻世炎排空
玉磬入醒耳貝音添香自林端辨芝從澗道拈
停霞護飛鳥灑雪送行幃有感玄丘近無忘法
供廉狂思鶴駕舉俗恐地靈嫌隱愛張知就遊
聞衆論僉願言歸正覺經卷此長淹

書天池寺道人壁

古澗飛空秀青蘿夾徑深焚香朝燕坐窓日照
禪心

上冢作

今日初陽月登高發愴心霞含千嶺秀雲落半
巖陰風咽林端響烏哀巢畔音所希先澤遠長
滄海波深

登黃家山觀仙入指石

言訪僊翁跡蹇松掃石塵霜清柏染絳日白澗
飛銀停鳥輕霞接回眸下界親雲臺如可擬即
此卧嶙峋

月夕與劉蔣二子舟尋盧文學桃花塢
城泛借文彥晴和蒸作春樹浮煙細細波湛月

鱗鱗市近休慳酒心清不厭塵盧敖如可遇共
醉碧桃津

君興偏饒逸余遊偶亦狂天真憐蔣詡風度挹
劉郎饌入鱸能細醪傾菊解香陶然明月裏夾
棹雜笙簧

訪盧子宿福濟觀

曲徑披藤入高齋倚月開翠交過雨甲紅綻借
春腮談妙飛珠玉詩工入體裁霜螯醉仍把轉
見出塵懷

北郭逃名卧蕭然萬卷書我衝三逕月鱸出四
腮魚席地星河轉歸途鼓角餘仙宮清夢永猶
繞子雲居

張母百歲挽詞十韻

仙籍回塵限鸞旌接女真芝曾煉金骨花竟斂
餘春已復雲和隊寧貪幻海身百年人自羨三
島歲還新雅作明時瑞終昭右族仁九熊教
長在鑄鹿意彌親蘭茁枝枝潤萱陰葉葉均里
推閨鑑永家浹母儀淳彤彤史流高蹟璇坊揭壽

珍會需天需下雲路躍麒麟

柬黃子勉之四首

雨滴高林靜清晨讀道書却思黃叔度孤卧紫
煙墟文氣星宮逼丹方葛令餘曲城瑤草歇藹
藹野雲舒

北望愁無際南歌夜轉漫傷心明鏡髮坐對菊
枝殘片月宮花悴微霜塞草寒行藏吾未卜獨
往弄潺湲

海白秋新過天高鵠遠鶩逢昔與巨偃仰雅雀任

飛喧爾富匡朝策誰招吟澤魂天心渾不解
淚對芳尊

歲暮花仍放時暄蜂亦飛掃苔清石膩滌硯亂
星輝龍自蟠深海漁甘老舊磯年年惆悵裏已
復素秋歸

東彭子孔加四首

野色蒼茫候王孫寂寞濱醉應吟更苦人亦美
長貧雨積吳農想楓傷楚客神雄心轉凋落同
女一沾巾

此夜相思劇開扉測少微雙鳧定何許知向水
雲歸錦軸挑燈字珠琴韵月微悠然混心迹休
羨紫霄飛

落落紅塵步悠悠滄海心君能憐泛駕余亦愛
知音香瑩園梨玉高垂岫橘金碧山饒晚趣雲
駕倘相尋

夜寂鷓鴣舞郊暄蚊蚋多氣偏垂物候翼短掛
虞羅展卷門長掩看山與未磨東京紛制作誰
問五噫歌

同緒山錢子過張氏林亭

王孫停逸駕灑灑道風高氣作春亭煖門來海
國豪主人瓊圃勝仙島碧雲遙幽賞偏能記新
篁刻短謠

卜築臨西墅朱軒傍水開葉紅隨果脫山翠入
簾來文豔浮雕燭花香灑嫩醅扁舟乘興發却
棹素蟾迴

甲午藁

人日行之館與湯醇甫林仲繼話別分

韻

得題字

繆忝龍門坐千金辱品題竹齋吟欲醉月艇去
愁迷春入青蕪甲晴乾紫陌泥莫辭分袂飲花
發魯門西

再得詩字

冰欲通魚信梅能弄額姿華裾洽佳侶香墨散
清詩歲計添螢簡春歌送蟻卮玉關聞罷甲河
頌春明時

三得人字

酩酊星河夜崢嶸江海人杯遲談入舊燭刻句
來新野兔晴窺穴淵虬臥展鱗柔花含玉藟應
不負三春

雪夜二三子話別

雪密搖窓白鐙明引話清續香消永夜催柝送
寒聲岱岳探玄典江湖遺世情祗應鸞鶴伴咲
拂玉花迎

頗愛青衿集能無綠醕澆茗爐蠅翼碎松雪鶴
翎翹仗劒辭同志飛旌擁去輶蓬萊天咫尺滄

蕩海雲消

友人宵坐

扁舟來上客，殘夜坐微茫。
送曲燈舒艷，傳卮話引長。
江湖添興逸，蓬榻着余狂。
咲舞中天曉，蒼蒼表上霜。

過人別墅二首

孤苑森深竹，高齋集雅人。
夜涼蟲自語，花綴樹疑春。
野興天俱逸，山晴月共新。
陶然就琴石，吾卧墮綸巾。

摩詰圖書積陶潛門巷開嘗新出燕麥坐久落
揚梅茗碗高擎月歌衫咲拂苔醒憐中夜好却
悔酒舟迴

送顧知事之廣東代兄作

十年戢珍羽此日咲彈冠文幕高群彥吟眸入
大觀風清子規樹浪靜鱷魚灘萬里羅浮信梅
枝別後看

欽子夜集

水榭宜逃暑蓮莆可送歡步陰尋石坐岸幘

山看蘭鼎青煙遠
冰花綠鬢寒斜陽維艇子缺
月桂林端

代人送張主事陶甓還朝

炎風卷黃埃青袍動江色
放舟隨長波謠歌滿阡陌
明公天府材妙手擅經畫
聿承鸞皇詔一展陶鎔力
皇居造天端佳氣日葱鬱
崇高仗良圖龍情發怡懌
含香豈久淹躡步雲臺側
江南水澤焦仁衷抱悽惻
扣宸一卷書應寫蒼生厄
願分馬鬣聚坐活枯魚脉

奚官浴馬圖次人韻

凡馬成群浴水洄正衙停仗不須催海邊豈少
真龍種萬里愁無伯樂媒

懷陸子玄游岱宗

九夔山人顧聞

靈岳標齊觀神州壯魯宗蒼霞春抱壑紅日夜
騰峰節引天門鳳香盤御道龍翠屏披霧色瑤
磴接雲胸折柳懷千里捫蘿想百重聞風傳漢
草弔雨識秦松歡隔金龜醉愁連玉軫濃桃花
歸已暮佇望碧山蹤

暑中蒼顧五貢士十八韻

岳覽歸玄鶴巖樓翦碧萊懷隨天路卷心抱地
靈開祗謂仙緣近那知造物猜淵珠沉絕艷階
樹折新枚暑病扉慵啓時憂首重回涼颺不動
竹炎雨益蒸苔海色紅雲慘邊歌白日哀觴憐
河朔遠風欲故人來子弄丹溪澗春流芳宴盃

花吟添洛價

顧有牡丹句云雲想
秦青曲春留魏紫花

璞隱惜荆材

月脇宮商透星文氣焰迴繆扳龍尾品轉仗虎
頭才元白涼州憶秦黃蜀彥推望洋真浩渺冠

玉漫崔嵬南國花如雪離宮鳳作臺空期銜勒
接未擬桂舟陪運石甘虵蟄天高乏鳩媒三休
不待老隨意卧烟埃

馬氏鐵瓶草堂

梅福吳市門馬融扶風館樂道不必山避世豈
在遠伊人秉淵尚中園恣息偃伏櫪厭疲頓登
龍屢摧蹇伏波成匪速會稽達亦晚眷茲靈異
區仙踪尚焜烜宋時呂仙遊此遺一
鐵瓶世以名其巷樹橘開丹
林藝蘭滋九畹朋來談玄宗侶集較文苑立石

既玲瓏垂蘿亦連蜷三觴歡不窮八簋恒忘返
想見草玄人風吹菊裳卷義問前修昭文業派
流混千載翔鳳趾鄉國表真遁

發舟龍見志奇二首

日麗秋林色微風江舶開鼓音喧市女桂子憶
仙臺蜀道題橋志甘泉獻賦才前山殷雷起天
矯雨龍來

璇空龍四起文艦客孤征有待爲霖雨將無撼
帝城樓觀真偉麗雲斷益分明好慰蒼生望勞

歌正劇耕

晚坐水次

水檻臨風爽江帆拂酒遲霞標橫日彩屋角漏
山姿竹動歸疲鳥蓮傾浴壽龜翦蔬香帶雨摘
果翠連枝暫待中天月聊伸故里眉百年真自
樂擾擾復何之

舟中見白髮

霜髮忽墮手玉顏難久留轉令心悟昨如與葉
俱秋天上雲霓阻山中藥物羞仙處雨不遂倚

醉睇江流

金陵雨坐

客舍涼燄早雨昏山兕啼水連愁樹白天入望
雲低名岳芝英老吳田玉粒齊天涯音未達寒
抱別時綿

相逢行贈徐子全

徐郎丰格瑩冰玉二十詞華壓流俗三十觀光
動辟雍犀角雞群自驚目未論鵬翥排青雲已
見鶯鳴出幽谷平生得喪付酒尊襟次洒落雲

夢吞醉來一枕無何有觴翻巾脫那復論憶昨
下榻元方宅相過傾倒情何處庭下談玄駭鬼
神樓頭揮翰搖奎壁金陵風塵敝黑裘寒驢破
帽青山羞相逢握手道遠遊十千沽酒澆我愁
落日倒映珊瑚鈎白璧藏身世莫推黃金結交
知己誰飄流齊魯復上國寒灰賴有徐郎吹我
家元方更知子秋風期爾魁多士丈夫事業在
匡時一第何須挂人齒歌殘月高夜偈不起舞
中天鼓瑤瑟伯牙鍾子是何人白雪陽春果難

識飛麤朝啼山館涼哀鶴夜叫吳雲蒼感時懷
舊心膽裂停劒呼酒傾千觴明年走馬長安路
與君談笑看花去

夜風

不寐耽雲簡狂聞夜鐸風褪花蜂失瓣折竹鳥
移叢似助雨師力疑搖帝子宮離群有孤鴈休
遣路冥濛

代人賀嚴總戎管屯田事

玉帳談雲空孤劒搖海碧使君縮
王章獻畝

皆生色平生忠孝心散入陽春陌霞表照江流
似寫高懷白宸旒識芳名殊方沛遐澤想見邊
風高須君贊經畫充國豈久留壽我 中興脉

絲素篇爲辰陽廉母許氏作

垂垂杼中絲皎皎機上素織成白雪姿寸鷺那
容污婉彼幽閑人揔筭事叔度鴛鴦兩綢繆中
道忽乖步之死靡改從冰心朗披露撫雛克成
立拮据延朝暮攀彼隴頭栢栢心直以固肯隨
蓬蒿轉甘與秋風故悠悠保白顛所天良不負

明符褒里門永爲閨闈慕尚迓芝蘭光者年受
天祐

壽計翁九十

玉燭開佳運遐年見德星隱非違世好樸自養
天靈飽閱風霜態深諳物理形杖藜隨地樂文
酒片懷寧孫樹枝枝秀仙芝燁燁熒逍遙歌擊
壤懶散誦黃庭菊釀開賓館霞裾集瑤屏如聞
鈞樂下疑有玉書傳遠範師三族高情遺一經
不須歌抑戒明德本來馨

過劉餘卿精舍二首

夙有通家誼相看竹馬時那知搖落候塵榻共
天涯鶴離青田憶雲辭故島遲藏珍應有待不
愧楚臣知

臥病滄江晚俄看稻蟹秋君傳先德遠余欲武
夷游水急吳川棹龍成閩海樓儻逢真侶訣接
女上丹丘

送黃子充東歸

歸心劇秋水相送益淒然白髮羞花館丹楓泣

雨天契同雙鳥散夢逐片鴻縣錯落埋豐獄棲
遲賦廣川鵬騫真子待驥伏竟誰憐好在燕臺
上春風振羽翰

月夕朱希直對飲十韻

羈思兩翩翩良宵濁酒傳秋偏遊子冷月自帝
城圓天籟流遙磬山花薦小筵當時心好客叔
則語工玄吳越風流勝烟霞氣味便同爲失意
者夙有避時詮且向金門嘯休祈要路憐百年
真蠹聚雙膝尚夔跼水激文犀隱虹飛古劍縣

惟來塵慮在夢接廣寒仙

悼馬翁十韻

天末靈光黯秋風隕少微里悲昭鑒遠士痛苦
人稀卓爾青年志傷哉比翼飛義方追竇訓苦
節並曾輝杖屨黃花景冰霜白髮幃露蟬甘潔
已海鳥自忘機默行符吾道藏名息世非不看
珠樹實竟作白雲歸有忝通家誼空彈別鶴徽
却疑瓊島上重返謫仙旂

述情詩與毘陵徐子貞良

早歲耽篇翰未諳文軌方吐詞迷大經學作時
世粧中年邁明師導升風雅堂頗愛陸謝趨心
醉西京章力短復無成蹭蹬風雲場五上五不
就心摧羽毛傷放歌淮水濱歸竟日飄揚一病
銷肌骨三旬斷餼糧俯仰經綸籌撫志增慨慷
末路逢婁子開顏照清光何意楚頑璞乃歸和
氏藏君傳渭陽瓜洒洒襟抱良古兒絕塵累清
言有芬芳勗子青松心益堅濟時腸拭目三秋
後雲龍逐翔翔賤子百畝計終老吳山陽倘諧

洞庭約扁舟兩相將遐探左虛天采秀金芝房
長嘯驚宇宙歸來變滄桑

梓園主人歌

梓園主人曾次高少年擲金輕一毛走馬章臺
翻玉勒鬪鷄里社塗狸膏折簡招邀三館客戟
手醉罵五陵豪興酣落筆龍蛇變右君青童捧
雀硯檀槽撥停朝館雲獸炭鎔開夜窓霰家住
橫金近太湖錦帆蘭槳載名姝鼓吹驚飛沙上
雁雕弓射落水中鳧平生義氣重山岳望族沾

濡惠流渥高懷不數孔北海混迹直比東方朔
名園梓樹羅千章十畝濼陰覆苑墻圓沼方臺
夾画堂游魚紅眼如人長主人兀坐銷爐香回
思樂事都相忘膝前三雛美如玉紅襦綉襪戲
相續主人雖老萬事足何用浮名逐流俗陸生
失意金陵歸一盃爲君歌式微梓園雙鶴夜清
唳主人胡不返岩扉洞庭柑香酒更美與君同
醉雲湖裡試呼花面人紅拂子主人興復悠然
起擊節高歌美湖水

述志四首送陽湖王子僉閩藩事

秋風飄寒裾遊子懷田園旋歸席未煖已復隨
征輪况我同情交從宦之南藩臨觴語戚促氣
結難爲言歲晚苦冰霰驅車下平原慎子千金
軀垂堂古所敦

北萱靄餘陽晚花遲遲舒子行多歡情而與慈
顏俱我逐浮名馳安能戀須臾與子筆硯親俯
仰二紀餘黃鵠衝青冥燕雀潛蒿墟升沈諒多
端太息臨長衢

雲途望漫漫白髮不相假丈夫伏草間所志在
天下蹉跎負夙心覩面當塗者把巾拂黃塵汨
汨隨車馬願言捐所懷長遊以舒寫擔簦踞高
嶠玄化與衍冶

峒峒武夷峰乃在閩川陽飛流滌煩磯靈洞秘
雲章夫子政成暇玄覽聊相羊相期在首夏及
此朱荔芳輕舸沿澄源羽人相迴翔玉丹倘分
惠持以壽高堂